

VELDEKE *J* bekèt

Dit jaor neet... väörig jaor waal.



1e kwartaal 2021

Wëntjersnieé

VELDEKE bekèt,
Jaorgank 13, nummer 1

Inhoud:

Waat gewaes is:

- Filmbezeuk
- Prissentatie Poëziewanjelinge
- Väörlaesbeukskes väör kènjer
- En al 30 loesterverhaole !

Waat nog kömtj:

- Veldeke blijft thoes
- Flitscursus spelling ?
- Daag van de Modertaal ?

En verder:

- Gedichte
- de Cursus Laeze en Sjrieve
- aevegood Kersmis

Volgendj nummer:

Kömtj oet in mieërt
Stökskes tòt 15 februari
te sture nao:

Veldeke Krink Ech,
p/a Oleanderstraat 2,
6101 BX Ech, of:
tvanwegberg@ziggo.nl

Web-site:

Kiek op www.veldeke.net
väör Limburgs nuuts,
op www.veldekekrinkech.nl
väör alles van de Krink.

Op Facebook:

Veldeke Krink Ech

Nuuts en Activiteite van Veldeke Krink Ech



Langer thoes

Dit jaor höbbe w'r es bestuur haos mieë werk gehadj mit activiteite aaf te gelaste es mit ze te organisere. Dachte w'r nao de zomer weer langzaam aan te beginne mit de film "Het Galgenven" en de prissenatie van 't beukske "Poëziewanjeling", maaktdje 't kabinet 'n aantal aansjerpinge bekèndj, wodoor 't organisere van bie-einkómste weer haos ónmäögelik weurtj. D'r zitj niks anges op den gedöldj te höbbe. Tót wie lang?

Det alles wiltj neet zègke det bie oze Krink niks gebäörtj! In de ieëste periode van 't thoes blieve zeen 'n paar nuuj activiteite opgestartj, die via de media de Limburgse taal toch ónger de aandacht brènge. Ich num de waekelikse rubriek in 't Waekblad. Aafgaondj op de reacties die w'r kriege, weurtj det vööl gelaeze. Ouch oos project mit ingesproake verhaole begintj langzaam aan bekèndjheid te kriege. Óm nao de verhaole te loestere, mót m'n regelmaotig op oos website gaon. En den oos facebook-pagina. Äöver facebook weurtj vööl kwaoliks vertèldj en gedeiltelik is det ouch waal waar, mer de Krink gebroektj facebook allein óm hieël actueel berichskes te sture äöver Veldeke, de Limburgse taal, de Limburgse (volks-)cultuur enz. 'n Vaste groep laezers maaktj dao al gebroek van en reageertj ouch zoa noe en den. Zoa perbere w'r de verbènjing bönne oos vereniging toch in standj te haoje. Ouch in deze tied van corona en vööl thoes blieve.

Tót de Krink Ech behuere:

Aw Kirk, d'n Aosterberg, Baakhaove, Berkelieër, Brach, de Boesj, de Baek, Deetere, de Deelgaard, Ech, Echterbos, Gebrook, G'n Oea, 't Hènge, de Hei, Illikaove, Sint Joas, de Laak, Mariaveldj, Mofert, de Nuujstadt, Ophaove, Pej, Pötbrook, Roostere, Sjaelberg, de Sleek, Spaanshuuske, Staeveswaert, Vèsserswaert, Zöstere en alles waat dao tösse of ómhaer liktj.

WAAT AL GEWAES IS



Reacties op de film "'t Galgenven"

Es ieëste activiteit, nao 'n half jaor "thoes blieve" es gevolg van de corona maotregele, woor in september j.l. 't Bestuur dacht det de film "het Galgenven" wellich 'ne gooje start zoe kènne zeen. In Royal wore alle maotregele al ènnige tied op orde bie 't drejje van films.

Mit 'n maximum deilname van 60 persoane kós de vöörgejreve aafstandj gegaendeerdj blieve. Allein de kóffie mit vlaai, vööraaf in de foyer, det ging neet. Royal booj aan det den in de service-bioscoop te verzörge. En daomit ging oos aanbod de däär oet. Benuudj of de leje al zo'n activiteit zoge zitte...

En det bleek 't geval! Vööle wore blie toch weer èns get mit de Krink te kènne óngernumme. En waem zich nog ónzeker veuldje, hoofdje d'r neet vöör te keze en bleef thoes. In korte tied wore de besjikbaar plaatse vergaewe. Wie det oet-eindelik koom oet te zeen, zeentj g'r op de foto's die daovan zeen gemaaktj.

De opzèt van dees activiteit goof weinig gelaegenheid óm get mit ein te kalle. Ouch neet nao aafloop. De ieëste reacties bie de oetgank leke waal lovendj, mer verder wiste w'r neet. Det brach ós op 't idee de bezoekers via email nao hun mening te vraoge äöver de film. Oet dees reacties volgtj hie 'n beknoptj äöverzich

Prachtige natuurofnames en mooi gespeeld. Wel magere verhaallijn. (JD)

=

Dees film haet op ós groate indrök gemaak. 't Verhaol, de hiëäl sjoan opnames en 't spel van de acteurs. Gaondjewaegs wurse mitgenómme in scenes zoawie, de mach van 't geldj, arrogantie, corruptie, ónmach en vechlös. Mit op 't lès, ein verrassendje mèr dramatische ontknuiping. Ein gooj keus van uch ès bestuur. (BCB)



=
De film 't Galgenven slaagdje d'r hieël good in de sfeer te sjetse rón dj de gebårtenisse in 'n Limburgs dörp. Zoa wie altied bie 'n verandering zeen d'r versjillendje meininge. Minse die fel taegze zeen gekantj, minse die ónversjillig blieve of zich d'r geliek bie neer ligke. Hieël herkènbaar ouch 't gekónkel, en de menere óm minse aan de kantj van de projectóntwikkelieër te kriegen. Daobie de geweldige natuurofnames. Kortóm 'n gooj keuze, dees film. (MohV-H)

=
Es nusjieërgenaas haw ich van te vöore 't kort promotiefilmke op 't internet opgezeuktj en bekeke. Mit de recensie en eur ómsjrieving vööraaf inne Nuutsbreef en oppe website, kan ich zègke; Prachtige natuurofnames, zaowaal in detail es van baove-aaf, van oze Midde--Limburgse Roerdelta en ómgaeving. 't Sjoan titelleedje, de meziek, de hooffigure, de anger figurante en natuurlik de herkènbare Midde-Limburgse kal, wore óm volop van te genete. Net wie 't toetje vööraaf inne zaal; de kóffie en de lekker vlaai. Det de verhaollien vanne film get minder 'sjókkendj' woor, kós 't plezeer zeker neet drökke. (TJ)



=
De film begós mit 'n triest fragment van 'n begrafenis. Mer verder op in de film waardje alles stieëds mieë herkènbaar. De ómgaeving, de landjsjappe, de utinge van cultuur, sjóttorieje en kèrkdeenste. Ouch de nog altied actuele problematiek van de boere, hun gehechtj zeen aan de gróndj en 't gevech taegze 't groatkapitaal. En de min of mieë verborge relaties, die 'n rol speeldje in de film. Neet te vergaete de prachtige natuurofnames. (KJHR)

Een goed initiatief van het bestuur en voor herhaling vatbaar. Complimenten voor de organisatie.

=
De natuurofnames wore sjitterendj. Mer ouch kome de nuuedige pien-puntje, die op 't plattelandj spele, aan bod. 't Verhaol van Anna en 't ènj vónj ich rómelig. Mer al mit al, gein ónaardige film. (TH)

=
't Filmverhaol zelf veel get taegze. Mer dit waardje ruum gecompenseerdj door de sjoan camera-shots in de natuur en de landjelike ómgaeving. Kort samegevatj zóngere mieë de meujte waerd. (HRS)

=
Hoi bestuursleden, Geer vroeg óm ein reaktie äöver de film Galgenven. Det is ein hieël gooj beslissing van uch gewaes. Ich wis hieëlemaol neet wo 't äöver ging. Mer ich vónj de film sjitterend en ich höb geine spiet det ich mich opgegaeve höb. Ouch genaote van de prachtige natuur. Daobie ging 't ouch nog äöver Hirkeboesj en ich höb versjillende minse herkéndj. Chapeau, en nogmaals bedank. (LG)



wintjersgewies

traog trèk
de daag zich
in 't wintjerbildj
sjnee en ies
wit en gries
zjwiengerdewies

vandaag is vandaag
nieks bringk de wintjer
vanne wies
mer de sjaatser drömp
daag-in daag-oet
van blome oppe roet
en flitsend ies

toos

vogelhoes

sjoeverend
in werme wintjerjas,
kórsjkes brood
en greumele inne voes
veur 't vogelhoes,
is vruije
op puur mósje-sjpas.

toos

wintjersjpas en wintjerleid

sjneemenkes
sjneevruiwkes
moere- naeskes
glinstrende uigskes
sjaatrende lach
van 't winsjelend kindj
eersteklas
wintjersjpas

wintjerleid
wen de pratsj toesleit
wintjers geknoter
euver sjliek en toter

toos

Woortj geer neet in de gelaegenheid óm nao de film te gaon of wildje g'r det nog neet doon? Vöör waem de film toch gaer (nog 'ne kieër) wiltj bekieke, haetj de lokale ómroep Roerstreek OR6 de ganze film op Vimeo gezatj. De link is: <https://vimeo.com/16848692>. G'r kent ouch gewuuen in Google zeuke nao "Vimeo Galgenven". Den kómtj g'r ouch bie de film oet.



Prissentatie "Poëziewanjeling"

Op zaoterdigmiddig 26 september woor den eindelijk de prissentatie van oos beukske mit foto's en gedichte van de vijf wanjeling die de Krink in de jaore 2015 – 2019 haetj georganiseerdj. Erg vööl aandach kóste w'r dao neet aansjenke, teminste waat oos leje betruf. In de zaal van 't Cultuurhoes moogdje w'r mer max. 40 minse óntvange, raekening haojend mit de aafgekondigdje maotregale. Daoróm wore allein de sjrievers, de fotograaf en anger mitwèrkendje oetgenuuedigdj. Mit det aantal kóste w'r good oeterein zitte aan taofels en 't programma volge.

Nao 't welkóm heite door oze vöörzitter Ton van Wegberg kóste de aanwezige door middel van 'n door Theo Bougie samegestèldje sjerm-prissentatie 'ne indrök krieger van 't beukske. Bie de foto van eders kieër ein locatie van eder wanjeling waerdje den door ein van de aanwezige sjrievers 't betreffendje gedich vöörge drage. Aansloetendj kreeg mw. Marian Bruijsten-van de Berg 't ieëste beukske aangebaoje, waat inheel det de vöörzitter 't beukske klaor lag op taofel en de wèthaojer 't zelf kós pakke. Nae, nae, 'n handj gaeve is d'r neet bie in deze tied. Wèthaojer van Cultuur Marian Bruijsten ging in häör dankwoord in op de wanjeling, wovan ze d'r ein haw mitgemaaktj en de äöverige bookoetgaves die Veldeke Krink Ech in de jaore haet gedaon. Daobie haw zie, inhaokendj bie recente publicatie in de Limburger, de suggestie 'n laesbook vöör kènjer oet te gaeve. Dao op kós de vöörzitter antwoorde det zo'n beukske d'r zoot aan te kómme, oet te gaeve door de Commissie Volkscultuur van Veldeke Limburg, wobie Krink Ech mit 'n aantal minse haet mitgewèrkjt aan de edities in 't Echs en in 't Zösters. (Laes elders in dit blaad wie wuud 't daomit intösse stuitj).

Vervolges kreges ouch alle sjrievers en de fotograaf op de corona-proof meneer hun beukske aangebaoje. En verder de vertegenwoordigers van de heemkundevereniging in Zöstere, Staeveswaert en de Nuusjtadt womit Veldeke de wanjeling in die kerne haw opgezatj. Toen woor 't tied vöör 'n drenkske en de aafsloeting. Leje van Veldeke Krink Ech, die bie de vöörinsjrieving ein of mieë beukskes bestèldj hawwe, kome vanaaf 5 oer hun beukske ophaole. Ouch det verleep veilig en good. Blie det 't achter de rök woor, huurdje w'r 'n paar daag later det de maotregale óm in 'ne zaal bie-ein te kómme, weer strenger móste waere...

Waat se ouch duis...

'ne Vader en ziene zoon ginge same mèt 'ne aezel op reis. De pap wou lever loupe en hae leet ziene zoon op d'n aezel zitte.

Óngerwaeges kwame ze 'n paar miense taeges die zagte: "Kiek dao, zuus se de waereldj op ziene kop". "De jeug haet gein respek mier vöör de aojerdóm". "Dae gezóndje jónge vent zitj op d'n aezel, terwiel ziene pap amper nog vöörroet kómtj".

Toen de jóng det huurdje sjtaptje d'r aaf en leet zien vader oppe aezel zitte.

'n Paar straote verder kwame ze 'n paar vrouwluj taeges die zich neet kóste verkniepe te zègges: "Mós se det zeen!" "Waat 'ne vader, hae zitj lekker op dae aezel en hae lieëtj z'n kindj loupe".

Nao det verwiet zaet de vader: "Wèt se waat zoon, wae gaon same op dae aezel zitte".

Zoeë ginge ze weer verder, toet ze van veurbiegangers 't kommen-taar kreges: "- Kiek dao det erm bieëst, ziene rök zaktj door ónger 't gewich van die twee, waat ein bieëstebeule".

Van erme ozel sjtaptje ze mer allebei aaf, zoadet nemes hun mieër get kós verwiete. En same lepe ze noe achter d'n aezel.

Wie ze bienao oppe plaats van besjtómme waore, sjtónges dao get miense te wazele en in 't vöörbiegaon huurdje ze die zègges: "Kiek dao die gekke". "Die loupe in de brandjendje zón achter 'ne aezel aan en geine vanne twee kumtj 't inne kop om d'r op te gaon zitte".

Dao dretj de vader zich óm nao ziene zoon en zaet: "Höb se 't gehuurdj jóng". "Wie se dich ouch gedreugs en waat se ouch duis, kómmentaar kriegs se altied". "Lieër daoróm mer gewuuen dien eige meining te volge".

Annie Ottenheim

Laeze en sjriev in 't Limburgs

'n äöverzich van belaevenisse en meisterstökke van 10 cursusse door Piet Aben. (deel 2)

Get vertèlle äöver de hobby's is natuurlik gans logisch. Es d'r baove stuijt "Oze tuin" den snaptj geer waal wo 't äöver geitj. Deze deilnummer woor good bezig in 'n volkstuintje in de Kawverwei.

*Vreuger woor oze tuin de haof bie pap en mam thoës,
wo ich de beginsle van 't tuiniere hõb gelieërdj.
Mer noe is oze tuin de tuin dae Els en ich same hõbbe op 't Hènge
aan de door Averege väälbézõnge Kawverwei.
W'r zeen namelijk óngevieër 'n jaor geleje mit 'n man of tieën gestartj
mit 't oprichte van 'n volkstuinvereniging.
Dit is oeteindelik gelõktj in november väärig jaor
mit ein akte bie de notaris.*

En w'r weite noe ouch waat 'n piepke stikzie is. Mit dank aan Tant Fien oet Maasbracht.

*Tant Fien ging de winkel bõnne en keek rón dj wo ze mós zeen.
'n Maedje vroeg in hoag Hollands of zie häör kós helpe.
"Jao, ich zeuk 'n piepke stikzie," zag tant Fien.
't Maedje keek häör verpõpzaktj aan.
Tante Fien zoog det 't maedje neet wis waat zie mós hõbbe.
"Doe wits waal óm te neje," zei Tant Fien.
" 't Is vää r mien nejmesjien!"*

*Gelõkkig woor de redding doonbie.
Ich haw alles gehuurdj en gezeen en wees op 'n doas op 't sjaap.
Det mót Tant Fien hõbbe,
ze hoof den allein de kluuer nog oet te zeuke.
Tant Fien vónj häör kluuer en raekendje aaf.
"Danke jóng," zag ze nog väärdet ze nao boete trampeldje.*

Dit verhaol hõbbe w'r dit jaor ouch in 't Veldeke Verhaole Project gebroektj. Wae wiltj, kan 't dao gans aafloestere: www.veldekekrinck.nl

Waat 'n belaevenis! Wae geitj 'n fietstoch make van 2600 km?
Ouch det vènje weer trõk in 'n Meisterstõk.

*Woróm geis se 2600 km fietse nao 'n bedevaartsplaats?
in dit geval Santiago de Compostella in Spanje.
In mien geval is det óm twieë raeje.
in de ieëste plaats oet dankbaarheid
det ich, nao zeve jaor krank te zeen gewaes,
weer baeter bõn gewore.
Op de twieëdje plaats ómdet miene pap
vanaaf 't jaor det ich krank woort (1973)
20 jaor lank op eine daag
haer en truuk nao Kaevelieër fietsdje (ca 125 km.)
Naeve 't feit det de fietstoch mich vää l voldoening haet gegaeve,
is 't sjoan det miene pap dit nog mit haet kènne make.
Hae is 94 jaor gewore.*

Minse, zeentj g'r ouch waal èns in Pej oppe Paerskåöring gewaes?
Waat, g'r wijtj neet wo ich 't äöver hõb?
Den laes mer èns gaw. Ouch det vènje w'r trõk in 'n meisterstõk.

*Wie ich 't woord Paerskåöring leet valle,
kós se aan de gezichte van ènkele cursiste zeen
det se neet wiste wo ich 't äöver haw.
Det waerdje oet de deuk gedaon.
Paerskåöre is ein gebroek van en vää r paerseigenieëre,
det al 'n lang traditie kèntj.
Die paerseigenieëre hawwe 'n eige paersverzekering.*



CORONA COCTAIL

Corona tied, nog noats mitgemaaktj,
ouch al bõn ich 70 jaor,
neet es opa, pap of sjaak.
geluif mich mer, det is ech waor.

leës mós ich ech draan wénne,
sjtil op straat, akelig haos,
eederein bleef thoës, zoot bõnne,
gans 't landj woor oetgeraas.

Kort biejein staon, hendjes gaeve
of ein kusje oppe wang,
zoaget huurt toch bie 't laeve,
nae det moogdje neet, men woor
bang.

Óngerhalve maeter aafstandj,
hénj good wasse, röstig aan.
Vää r hieël vää l kénjer in 't landj
woor óngerwies noe van de baan.

Nao de kapper, bie of op bezeuk.
op vakansie of oet aete gaon,
det maakdje 't laeve toch extra leuk.
Noe: op óngerhalve maeter staon!

Corona vää r, corona nao.
van smõrges vreug tót saoves laat,
äöveral woor corona dao,
eederein haw road paraat.

Mer effe get anges noe gezag:
't woor neet allein ieëlenj, pien en leid,
corona haef ouch get positiefs ge-
brach:
de minse wore tót 't nuuedige bereidj.

Röstig wachte in 't rieke,
gein gevleeg, geren, geduuj,
vruntjelijk kieke,
aafstandj haoje, mien leef luuj.

Gein laezing, film of theater,
vergadere doon weer vanoet hoës.
biejeinkomste zeen vää r later,
vää rluipig blieve weer efkes thoës.

Toch sjientj de zón nog aevegood,
de veugel fluite äöveral nog trõk.
Weer haoje dus mer gooje mood,
de gooje tied kómtj ouch weer trõk.

*Phil Schaeken, Zitterd
(In 't Echs ómgezajt door Yvonne en
Anke)*

Óm zó'n paerd te kenne verzekere, mós 't ieës gekäördj waere,
wobie de waerd waerdje vasgestèldj.
Det käre gebäördje vreuger o,a, op 't patronaatsplein in Pej.
Twieë kieër per jaor, op kirmesdaensdig en vastelaovesdaensdig
Deskundige oet de paerswaereld sjadde den
wieväöl zó'n paerd waerd woor.
Ederein mós den mit zien paerd nao 't patronaat kómme.
't Paerd waerdje bekeke, vääral 't gebeet
en of d'r waal genóg spek op zien rubbe haw.
Den móste ze mit renne mit 't paerd, 'n rundje äöver 't plein
De kårmeisters hawwe hie genóg aan
óm de waerd van 't paerd vas te stèlle.
Róndj 't plein stóng de minse riejè dik
óm zich dit spektakel aan te zeen.
En daonao.....



Verhaole project

Op 1 november j.l. plaatsje w'r 't 25e verhaol op de website in 't kader van oos verhaoleproject, gestartj in de corona-periode. Mitwèrking van vääls sjrievers, 't inspraeke van al die verhaole en 't plaatse op oze site is 'n waekelijks trök kómmendje activiteit, die in de plaats is gekómme van oos gebroekelike activiteite. Veldeke haoptj det door de thoeszitters vääls gebroek weurtj gemaaktj van dit aanbod. Hie ónger 'n äöverzich van de tót november geplaatsje verhaole:



Weer hawwe op 'n gegaeve moment 'ne deilnummer oet Roostere .Versjillende gebäörtenisse oet Roostere, wie 't nog 'n eige gemèndje woor, waerdje in zien meesterstök oet de deuk gedaon.

'n Väärorval oet 'n raodsvergadering wil ich uch neet ónthaoje.
Waor gebäördj!!!

*Wie d'r 'n besloet genómme mós waere
det de gemèndje de voelnis zoe gaon ophaole,
óntspón zich 't volgendje verhaol in de raodsvergadering:
"Menieër de vääorzitter, waat moge de minse den mitgaeve?"
"Tja, alles det ze in 't hoeshawwe es aafval besjouwe,
aerpelsjèlle, kaole-as, segrètestumpkes, papier, kertón
en anger materiale waat m'n neet mieë nuuedig haet."
"Vääorzitter, strunk oet de mooshaof*

*moge die ouch mitgegaeve waere?"
'n Anger raodslid:"Die kenne ze toch in de mooshaof begrave."
't leëste raodslid weer:"En es se den geine mooshaof hóbbe?"
Doe veel 'n stilte.
Toen zag 't anger raodslid weer:
"Den hóbbe ze ouch gein strunk."*

't Slot van dit meesterstök moog d'r ouch zeen:

*Opgesjreve in december 2005 door;
Eric van Mie van An van Marie van Cläör, alias
Eric van Mie van de Göbbel alias
Eric van Hooy oet Roostere.
Naogekeke in de tossetied door meister Aben.
Officieel ingedeendj es meesterstök ter aafsloeting van de cursus
"Laeze en sjrieve in 't plat" op goonsdig 25 januari 2006.*

Volgendje kieër verder mit nog mieë herinneringe.

- 1.De graaf en zien dochters
- 2.De mei-den
- 3.'t Clubke
- 4.Noajt mieë 'n aaftrèkking
- 5.Roaj roaze
- 6.Ein piepke stikzie
- 7.'t Hoes wo ich opgreuidje
- 8.'t Inmaakglaas
- 9.'n Sjoan aovendjwanjeling
- 10.De reuze van Pej
- 11.De Klepperman
- 12.De brök van Pepijn
- 13.Waswief
- 14.Miene lap
- 15.'t Hendje van de juf.
- 16.Zaoterdig en zóndig bie ós thoes
- 17.De klokkemaeker van d'n Deelgaard
- 18.Verdreet mit 'ne glimlach
- 19.Praothoes
- 20.Boerelaeve rón dj 1900, deil 1
- 21.Verkes op Echter Kirmes
- 22.Kuifje
- 23.Langs 't tuinpaad van mien vader
- 24.Boerelaeve rón dj 1900, deil 2
- 25.Windsurfe oppe Laak

Alle verhaole zeen nog te beloestere.

Zeen d'r nog minse die verhaole sjrieve of gesjreve hóbbe, laot 't wete. W'r wille den gaer same mit uch bekieke of w'r daovan gebroek kenne make in dit project.

Flitscursus spelling van 't Limburgs

Spraake kènne w'r oos modertaal allemaol. Mer....weer kriege dök de vraag: Wie sjrifs se det noe eigelik? Daoróm haoje w'r ouch dit jaor 'ne cursus van eine aovendj van zoaget 2-2 ½ oer, dae daoróm de naam "Flitscursus" dreugtj. Ómdet cursusleider Piet Aben mit vaart door de ganse stof zal gaon. Alle spellingsaafspraake kómme aeve aan bod en verder kriege de deilnummers aanwiesing wie en wo bie twiefel verder te zeuke.



Väörgeandje jaore ging de flitscursus väöraaf aan 't Echter Dictee. Of det dit jaor ouch zoa zal zeen, wete w'r noe nog neet. 't Dictee stuitj waal op oos jaorprogramma, mer of det door zal gaon hungtj aaf van wie taege dae tied de regels zeen väör publieksactiviteite. De flitscursus denke w'r waal op 'n veilige meneer te kènne haoje: beperktj aantal deilnummers en allemaol apaart aan 'n taofel.

Zo'ne cursus is noats weg. Dae geit äöver 't good sjrieve van oos modertaal, mit name oos Echter taal. En kan tót 'n maximum aantal deilnummers in oze zaal good door gaon. Deze flitscursus spelling vuntj plaats op vriedigaovendj 5 februari. Deilnummers max. 20, in volgorde van aanmelje. Det kan door 6 euro per persoan äöver te make op raekeningnummer van Veldeke Krink Ech (nummer stuitj bie Penningmeister, achter op dit nummer) In dae pries is 'n tas kóffie inbegrepe.

Flitscursus: vriedig 5 februari 2021, van zeve oer tót half tieën in de Fanfarezaal "Lei van Naer" in Pej. Allein nao insjrieve väöraaf.

WAAT NOG KÓMME GEIT

Wie al eerder in de Nuutsbrief VKE bekèndj is gemaaktj, zölle dit jaor gein activiteite mieë plaats vènje. De geplandje activiteite "Op waeg nao Kersmis", wie de adventsmiddig op 13 december en de dialekmès op 18 december gaon väör oos leje neet door. Doorgaons is dao väöl belangstelling väör en dao kènne w'r mit de huidige regels neet aan voldoon. 't Bestuur haoptj mit de óngestaondje activiteite in 2021 de draod weer te kènne oppakke.

De Kölner Vastelaovendj

Wat höbbe 11.000 maagde te zeuke in Kölle?

Woròm numdje m'n Kölle vreuger auch waal „t Heilige Kölle“.

Waat haet de Franse revolusie mit 't óntstaan vanne Kòlsche vastelaovendj te make?

Waat zeen Roaje Funken?

En is d'r versjil tösse Blawwe en Roaje Funken?

Woròm loupe de Blawwe Funke altied veuraan inne Rosenmontagszug?

Wie weurs se Prins in Kölle?

Woròm höbbe ze in Kölle eine Dreigestirn en weurtj de „Jungfrau“ door eine man gespeeldj en in de oorlog door 'n vrouw?

En woròm haw Vriendenkoor oet Ech dao begrip väör?

Woròm weurtj de Roeminse Agrippina nog altied bezóngte op "Zittinge"?

Waat duitj 't Festkomité Kölner Karneval en woròm is dao oetgeraekendj eine begrafenisòngernummer veurzitter van?

Waem is Willi Ostermann en welk leedje van dem waerdje ònger de oorlog verboaje en woròm?

Wie functionere de carnivalsvereniginge in Kölle?

Wie weurtj de Rosenmontagszug georganiseerdj?

Waat kump dao allemaol bij kieke en wie geitj det op zònnen daag?

Zandj inne straote! Waat krieger w'r noe!

De aoj stadsmoere van Kölle geredj door de Carnivalsvereniginge?

Waat haet Circus Williams veur de Kölner carnaval gedaon?

Die "Gute Stube Kölns", waat is det noe weer?

Goaje ze inne Rosenmontagszug allein slók en appelsiene es ze langs de camera's kómme?

Waat duis se es se eine spandook euver de straat zuus hange mit dao op de teks: "Werfen einstellen".

Waem ging mit 't vliegmesjien effe vese vesse haole in Italië?

Waat haet 't TV programma "Zum blauen bock" mit de Lachendje Kölle Arena te make?



Es geer uch det allemaol aafvraogtj of nuusjjeërig zeentj gewore, of vastleavesgek in hert en nere zeentj, kòmtj den nao de laezing van Peter Roufs. Es insider vanne Kölner Karneval en ein paar jaor geleej dao zelfs bevorderdj toet "Leutnant van de Blaue Funken" zal dae boavenstoandje vraoge beantjwaorde en nog veul mieër. Gaer toet zeens en alvas: Kölle Alaaf!

Woonsdig 27 januari óm 20.00 oer in de Pejjerhaof, Houtstraot 7. Väöraaf aanmelje det g'r wiltj kómme via nummer 0475 411169.

"Keukske mit Tieë"

De internationale Daag van de Modertaal, wo-op de streektale centraal staon, is op 21 februari. De lèste jaore sjunk Veldeke Krink Ech dao - net wie versjillendje anger veldekekringe - aandach aan. Väärig jaor, wie de datum op vriedig väärvastelaovendj veel, deje w'r det gans in dae sfeer. In 2021 vèltj 't op 'ne zóndig en daoróm dènke w'r aan 'n invölling in de vórm van 'ne "high tea", 'ne tieë-mit-keukske zoagezag. Sjriever oet Ech en Zóstere zeen welkom óm 'n väädrach in dialek te verzörge. Verder zal d'r passendje meziek zeen.

Deze tieë-mit-keukske middig zal plaatsvènje in 't Cultuurhoes, mer wie precies zal aafhange van wie de regels taegedae tied zeen en wiewäöl minse w'r moge óntvange. In eder geval zal vääraaf aangemeldj mótte waere waem kómtj. Laesj estebleef väärvastelaovendj hie äöver begin februari in 't Waekblad of op oos website.

Daag van de Modertaal, zóndigmiddig 21 februari vanaaf 15.00 oer in 't Cultuurhoes aan de Plats.



Bookwinkel

Op dit moment haet Veldeke versjillendje beukskes te koup, die zeker ouch gesjiktj zeen es cadeau bie de kómmendje fieësdaag. Det zeen:

Poëziewanjelinge: gedichte en sjoan foto's van de vief poëziewanjelinge die w'r in de aafgeloupe jaore gehaoje hóbbe in Lilbosch, Zóstere, Staeveswaert, Ech en de Nuusjtadt. Dao duit m'n ederein waal 'n plezeer mit. Dit beukske kosj 12,50 euro.

Verhaolebeukske väärvastelaovendj kènjer: 24 väärlaesverhäälkjes väärvastelaovendj kènjer. Allemaol van Limburgse sjriever. Weer beje 2 versies aan, ein in 't Echs, ein in 't Zósters ómgezattj door leje van oze krink. 't Beukske kosj 10 euro.

"Bib boetstj zich de bölles": kieke en väärlaeze väärvastelaovendj de allerkleinste. Allein te bestèlle via internet à 5 euro. Stuur 'n email aan ronleunissen@hotmail.com. De anger beukskes zeen, zoalang väärraad is, nog te koup op de volgendje adresse:

Echt: Bruna, Leeswinkel/VVV, Museum van de Vrouw

Nieuwstadt: Postkantoor/wijnhandel Wervin

Pey: Profile Wijnen

Stevensweert: Museum/VVV

Susteren: Drankenhandel Marij Lemmens

Deetere: Cadeauwinkel "In ut plat", Juliëtte Peeters.

Weer gedènke...

Bie de dialekmès in de waek väärvastelaovendj Kersmis gedènke w'r es vereniging eder jaor de leje die in de loup van det jaor zeen gestórve. Det kan dit jaor neet, ómdet de dialekmès neet door geitj. W'r wille de leje die ós óntvalle zeen toch hie gedènke. Det zeen:

Mw. Claar van Engeland-Ritzen

Mw. Fientje van Hout-Wilms

Dhr. Wil Hoeijmakers

Weer beware aan hun gooj herinneringe. Hun leefdje väärvastelaovendj de Limburgse cultuur en oos dialek zólle w'r neet vergaete.

Jaorvergadering VKE 2021

Ouch de datum van oos jaorvergadering wille w'r laote aafhange van de mäögelikheje op det moment. Väärvastelaovendj geplandj op woonsdig 10 mieërt in "de Pejjerhaof" óm 20.00 oer. Lètj op de aankondiginge es w'r det soms mótte verangere. Opgave väärvastelaovendj is nuuedig i.v.m. de maotregelingen corona.

Nao bönnékómtst krig g'r 'n lekker tas kóffie mit get d'rbie. In dees vergadering kieke w'r trök op 'n oetzunjerlik verenigingsjaor mit väärvastelaovendj activiteite, die neet kóste doorgaon. Het gebroekelike foto-äöverzicht van Geert Janssen zal daodoor beperktj zeen. De statutair verplichtdje óngerdeile, zao wie 't jaorverslaag en 't financieel verslaag, zólle w'r väärvastelaovendj de pauze behanjle. Ómdet de verslage van de activiteite al bie uch bekèndj zeen via oos Veldeke Bekèt, hooftj det allemaol neet lang te doere. Bie 't doornumme van de financieë zal de kascommissie verslaag oetbrènge, wonao de beneuming van de nuuj kascontrolecommissie aan de orde is. De traditie óm de contributie neet te verhuuege wille w'r dit jaor ouch in ieëre haoje.

Den gaon w'r verder mit 't aaftraeje en beneume van de bestuursleje. Dit jaor zeen de bestuursleje Theo Bougie en Piet Aben aaftraejend. Ze zeen allebei herkeesbaar. Waat neet beteikentj det w'r gein nuuj bestuursleje zoewe kènne gebroeke. In de loup van dit jaor haetj 't bestuurslid Rinus Mulders zich trök getrokke en oze väärvastelaovendj haet väärvastelaovendj jaor al aangegaeve zien väärvastelaovendj zittersperiode te wille aafsloete. Es g'r eur lidmaatsjap wiltj oetbreije mit 'n bestuursfunctie den kan det. Numtj den väärvastelaovendj 15 febr.2021 'ns vrieblievendj contact op mit ein van de bestuursleje, den kènne w'r óm de taofel gaon zitte óm dit te bespraeke. 't Is belangriek väärvastelaovendj de toekóms van de krink.

Nao de pauze zólle w'r väärvastelaovendj kieke nao de mäögelikheje in 't nuuj jaor. 't Jaorprogramma kèntj g'r laeze op de achterkantj van dit Veldeke Bekèt.

Corona Claus

Dao woor èns 'ne Kersman
Nae, hae hédje neet gewuuen Jan.
Hae haet 'ne sjeke naam:
Sancta Claus
Hae veultj zich sóms hoger es de
paus.

Mer noe zit d'r in ziene piepzak
Äöver de stoel hungtj zien
zóndigspak
Mit "vrolik" zeen is 't gedaon
In ziene baard zeen w'r 'n traon.

De slei stuitj werkeloos vöör de däör
Wo doon ich 't nog allemaol vöör?
De rendere staon oppe stal
Want, waat is 't geval?

In deze rare coronatied
Is d'r gans de waeg kwiet.
Hae zaet: "Ich huuer noe pas
det alle kersmerte zeen aafgelas.

Waat blif äöver van Kersmès
De minse kónne of moge neet nao
de nachmès.
Wo zeen de verseerdje straote en
steegskes
mit kersbuim vol leechskes?"

De minse kieke h'm èns aan
en dènke:
Nae kersman, Kersmès is neet
vanne baan.
Det is allemaol mer oeterlike sjen
Det duitj ós gein pien.

Kersmès geit door in 't klein
En det is waal zoa fijn.
Weer make noe 'n nuuj begin
Kersmès same in eder gezin.

Jao, lekker oet aete
Det kónne w'r vergaete.
W'r aete noe thoes 'n hepke
Mit of zónger mónjdjekepe.

In 't klein, gezellig in eder hoes
Väöl sfeer,
det weurtj weer 'n ech thoes.
Zalig Kersmès Sancta Claus
en ouch vöör Jan.
Laot ós kieke waat waal kan.

Piet Aben.



Verwachting

D'n tied geitj weer langzaam nao Kersmis haer
De daag waere korter en dónker 't waer
Mer es w'r 't Kerstkèndj in 't kribke vènge
Den gaon de daag gelökkig weer lènge

Det kiendje brunk leech in dónker tieje
Es w'r zörge det minse gein kaof hove te lieje
Den waere de herte van minse weer werm
Ze pakke 'nen angere mins aan d'n erm

Want mit Kersmis stóng EIN ster inne nach
Die aan minse van goje wil
'n belofte van vreej haet gebrach

An Cuijpers-Rutjens, Ospel

Herinneringe aan Kersnacht

Minse van miene laeftied herinnere zich nog de viering van Kerstmis, wie det vreuger gebäördje. Zoa ouch ich. Neet det ich 't baeter vónj of d'r ech nao trök verlang. Edere tied haetj zeen gebroeke. Mer zoa aaf en toe èns trök dènke, hultj waal werm waat werm veuldje. Zoa waas 't toen.

Ich zal toch al tieën jaor gewaesj zeen wie ich mit mien aojers nao de nachmès moogdje. Die woor óm 12 oer, 's nachts, 'ne tied woop gewuuenlik de meeste minse al in bèd loge. Televisie woor d'r nog neet, dus waerdje m'n neet opgehaoje en ging oppertied slaope. En 's mörges weer vreug op! De nachmès waas dus al 'n opgaaf op zich; zoa lang op blieve. Mer ómdet se noe eindelijk mit moogdjes, heels se dich flink. De ouge neet laote toevalle! W'r wore zeker ouch neet de ènsigste, die nao de kèrk ginge. Ofsjoan oppertied van hoes vertrókke, kooms se óngerwaeg al väöl minse
verder laeze op de volgendje bladzijde

taege, die dezelfde kant oet ginge. Soms woor 't flink kawd, ederein goed ingepaktj en door de aom leek 't waal of se allemaol aan 't rouke wore. M'n leep stil naeve ein, of soms waerdje 'n fluisterendj waord oetgewisseldj. 't Woor ouch good duuster; hie en dao 'n straotlamp, verder niks. Es de klokke loejde, koom de sfeer d'r pas ech in.

De kèrk zoot al good vol. Achterin aansloete den mer en haope det se nog get kós zeen. Want dao ging 't óm. 't Woor allemaol get fieësteliker en verseerdj vergeleke mit gewuuen door de waek. In de kèrk woor 't ouch neet bepaaldj werm. De möts mós aaf, mer de sjaal bleef good óm de nak. Mit zoaväöl minse in de kèrk huerdj se väöl kuche en hooste. 't Leek of det stieëds mieë waerdje en det zal ouch waal want de kèrk leep voller en voller. Achterin stónge al luuj. Aojer luuj die get laat wore, lepe soms door 't middepaad get verder door nao vööre. In de haop det dao nog 'n plaats zoe zeen of det de minse in de banke nog get zoewe opjuve en plaats make. Soms bleef emes in 't paad taege 'n bak stil staon en den keke ze mit 'n sjuin oug nao 'n kèndj of jóngere in de bank. Soms maakdje die den, al of neet aangespaordj door de aojers, inderdaad plaats en ginge nao achterin staon; soms paktje aojers hun kèndj get korter bie zich of oppe sjoat.

Óngertösse wore de kaese op 't altaar al aangestaoke, ginge get mieë lampe aan en óntstóng 'ne verleechedje, sfeervolle sfeer. Es de klein bel aangoof det de drie "hieëre" in kazuifel aankome, same mit de mèsdeners – ouch mieë es anges – stóng ederein op; 'n gestómmel van jewelste. Daonao woor 't geliek weer stil, de spanning van waat kómme ging. Det woor meestal 'n mieëstömmige letiense mès, gezóngte door 't kèrkekoar. Alles koom erg plechtig äöver. En det same mit de räk van de wierook en halverwaege de kerstpraek woor gans bezunjert en fieëstelik. Nao aafloop van de mès, toch al gaw óngerhalf oer later, want al die minse ginge ouch t'r communie, stroumdje de kèrk langzaam laeg. Boete leep m'n óf direct de duustere nach in óf m'n bleef nog effe in de ómgaeving van de kirkdäör staon óm bekèndje vas 'ne zalige kersmis te wense. Ich vónj det mer lang doere, want ich wis det thoes nog waal get lekkers stóng te wachte. Gezellig bie de lempkes van de kersboom ote w'r den 'n woostebruuedje. En den nao bèd. De zalige Kersmis woor begós.

Ton van Wegberg

Kerswènsen

Róndj de kaersjdaag (keersjdaag, keersdaog, kersdaag) en nuujjaar wunsje de luuj ziech ónderein "zalig kaersjmes" en alle goods veur 't nuuj jaor. Det kan persueenlik of door 't sjikke van 'n kaart. Taegewaordig ouch dök mit 'ne email of mit 'n appje. De bedoeling is en blif 'tzelfdje.

In 't **Gelaens**: "Veer wunsje uch eine zeëlige Kosjmes en e gelökkig nujaor"

In 't **Kirchröadsj** (Kerkrade) wunsje ze zich: "Freulieje Krismes (Wainachte) en jelökziëlig nujaor".

In 't **Mestreechs**: "Veer winse uuch 'ne zaolige Keersmes en e zaolig nuijjaar".

In 't **Moferts**: winse ze zich óngerein " 'ne zalige Kersmes en e good nujaor"

't Bestuur van Veldeke Krink Ech wènsj alle leje, mitwèrkendje, sponsors, zösterverenigingte en anger relaties 'ne ZALIGE KERSMIS en 'n GEZÓNDJ 2021



Väör uch....

n Kaertje mit de pos duitj de meiste minse nog altied good. Zeker in deze tied. Vanoet die gedachte haet 't bestuur contact opgenómme mit oos lid Laura Theunissen, gebäörtig van de Sleik mer momenteel wonendj in Mestreech. Laura sjrif es hobby klein gedichskes. Stieëds korte wènskes in dialect, spreuke of versjes gecombi-neerdj mit blome. Oet zien collectie höbbe w'r 'n aantal oetgezóch en es kaart laote drökke. Die krig g'r es ènd-jaorspresentje, ómdet dit jaor zoa min activiteite zeen gewaesj, bie dit Veldeke Bekèt aangebaoje. W'r haope det g'r dao gebroek van wètj te make!

Krisaovend

blaosmeziek ónger de päöl
dat heurt me op vandaag neit väöl
oerelank in sjnei of wèndj
en 't publiek dat woort verwènd

'n man of twelf op 't trottoir
die heurde gaer ós repertoire
't waar bekans al middernach
en 't ènj dat koum toch ónverwach

de jóngste träöt die haokde aaf
vónj de meziek toch neit zo gaaf
de sjuuf waar ziene kammeraad
bleis doe opèns ein anger maot

ze wunsjde ós nog väöl plezeier
doe ware veer nog mer mit veier
pierre dae haw gein ammezjuur
en góng zich werme aan 't vuur

gans achteraan, tuba en tróm
die veile van de sjaop gans óm
de lèste, zef mit souzafoon
gouf eine solo, wónjersjoon!

doe woort 't sjtil,
de sjtraot leip laeg
en jeder góng doe
ziene waeg.

johnhertogh@zwentibolddichter

Clubsupport

Ouch dit jaor haet de Clubkas Campagne van de Rabobank weer 'n sjoan be- draag extra in oze clubkas gebrachtj, n.l. 518,50 euro. Dank aan al die leje, familieje en sympatisante die op Veldeke Krink Ech hóbbe gestömdj. Dank ouch aan de Rabobank vöör dees óngersteuning van de vereniging.

Seniorenkerst op SOL2

SOL2 is de nuje lokale ómroop vöör Ech-Zöstere en opvolger van LOES. Ze zeen noe al korte tijd mit oetzendinge van 'n tekskrantj in de loch. Tiedes de kómmendje kersdaag gaon ze zich ouch prissentere mit beeldje. Hievöör zeen in de aafgeloupe waeke in versjillendje kerne van de gemèndje de opnames gemaaktj. De opzèt is vergeliikbaar mit de kerstmatinee vöör seniore, zoa es dae in eerder jaore in Euro-Detach waerdje gehaoje in samewèrking mit minse van de Echter Revue. Zónne middig kan noe neet. Daoróm hóbbe ze verenigin- ge gevraagd mit te wèrke aan de opnames vöör dees oetzending. Eder op zien meneer, en raoje draod is natuurlik de kersman. Veldeke Krink Ech verzörgtj 'n biedrage mit 'n gedich bie de äöpening van de film. Vöör verder aanwiesinge kiekjt taege dae tied in 't Waekblaad.

Zöstervereniging

De zöstervereniging, wovan g'r ge- broekelik in eder nummer van Veldeke Bekèt in dees kolom de kómmendje activiteite kóntj laeze, hóbbe ouch te make mit de maotregule es gevolg van 't corona virus. Daoróm zeen ouch dao versjillendje activiteite aafgelasj, den waal opgesjaove nao volgendj jaor. Kiek vöör informatie op de websites van dees vereniging:

Heemkundekring

“Echter Landj”

Vereniging gerichtj op de gesjiedenis en archeologie in de gemèndje Ech-- Zöstere:

www.echterlandj.nl

Natuurhistorische Vereniging “Pe- pijnsland”

Vereniging gerichtj op natuur en milieu in de gemèndje Ech-Zöstere:

www.pepijnsland.nl

Vereniging van Natuurvrienden,

Vereniging oet de v.m. gemèndje Zöstere, die zich richtj op gesjiedenis, natuur en volkscultuur:

www.natuurvriendensusteren.nl

Ouch vöör de activiteite van de HV Nuusjtadt, en van “Amici Insulae” Staeveswaert-Ohé en Laak en HV Maasbrach in Beeldj verwieze w'r nao hun website..

't Cultuurhoes en 't Museum van de Vrouw zeen vanaaf 19 nov. weer aope..

Plat kalle...

- Gank prat op dien Plat !

- Plat oppe straat kan gein kwaad

- Plat in hoes Gezellig thoes !

- Sjat kal gerös Plat

- Oos Plat neet allein in 't klad !

ADVOCATENKANTOOR | *Reijans*

Maak gerös 'n afspraak.
't Ieeste gesprek is altijd vrieblevendj en kosteloos!

Mr. E.H.C.K. Reijans
Advocaat

Milieustraat 3a
6101 CW ECHT

T 0475 40 15 22
I www.reijans.nl

*Blaemeshop
Bovend'eerdt*

Keyerstraat 6
6101 CL Echt

Inf: (+31) 475 486407
email: bloemeshop@xs4all.nl

Limburgs grootste keus
in tuinplanten en bomen

H. Maessen

Rijksweg Zuid 23 Echt
0475-481293

www.limburgplant.nl

Herdenk leven

Peusen

www.peusen.nl

Belleweg 57, 5081
Koudekerke 15, Bussum
0475 464 506

NEWAVE
ENGINEERING

NEWAVE
ENGINEERING

MULDERS
ADVOCATEN

VERTROUW IN OPLOSSINGEN

Postbus 1, 6100 AA Echt
T +31 (0)475 - 419 419
F +31 (0)475 - 486 474

Houtstraat 56, Echt
Akerstraat 157, Kerkrade

www.mulders-advocaten.nl

Paula Cox
Mooi Wonen

De verkoop van je woning, van start tot eind geregeld.

Betrokken, creatief en betrouwbaar makelen met kennis van uw regio.

+31 (0)6-547 970 47
www.pcwv.nl

ECHTE BAKKER CLOUT

PEY-ECHT ECHT MAASEIK MELICK
NIEUWSTADT POSTERHOLT VLODDOP

Rabobank



Indien onbestelbaar: Oleanderstraat 2 6101 BX Echt



Krink Ech

JAORPROGRAMMA 2021

De activiteite van de ieëste maondje staon besjreve in dit nummer.
Alles ónger vöörbehawd.

- 27-01 **Vastelaovendj in Kölle** ; 'n Prissentatie mit beeldje door Peter Roufs
Pejjerhaof, Houtstraot 7, Pej-Ech, 20.00 oer..
- 05-02 **Flitscursus Spelling**, in de Pejjerhaof, Houtstraot 7, 19.30 oer.
- 21-02 **Daag van de Modertaal.**
*De precieze invölling van deze zóndigmiddig óm 15.00 oer
in de kefee van 't Cultuurhoes volgtj.*
- 10-03 **Aangeklédje Jaorvergadering**
Mit kóffie, vlaai en fotopresentatie.
Pejjerhaof, Houtstraot 7, Pej-Ech, 20.00 oer.
- 14-03 **2e Echter Dictee**
Op zóndigmiddig van 14.00 - 16.30 oer., zaal Cultuurhoes, Plats, Ech.
- april **13e Finale Declamatiewedstried, Zóstere e.o.**
Hermeniezaal
- april **19e Finale Declamatiewedstried, Ech e.o.**
Pejjerhaof
- 14-04 **Literaire Aovendj**
*Mit gedichte van Toos Schoenmakers en Riky Simons
en meziek van Willeke Simons*
Pejjerhaof, óm 20.00 oer
- 16-06 **Thema-aovendj äöver de Selfkantj**
75 jaor nao aafloop van d'n oorlog
Pejjerhaof, Houtstraot 7, óm 20.00 oer.
- 09-07 **Jaorliks oetstepke.**
Dit jaor nao Zuid-Limburg: Eijsden en Margraten..
Vertrèk vanaaf de Nuuj Mert in Ech óm 09.00 oer. Trök 19.00 oer.
- 04-09 **Dialek-mès bie de kepel op Sjaelberg.**
Bie gelaegenheid van de Maria-oktaaf
- 4+5-09 **Klinkendj Erfgood**
Programma same mit de culturele zóstervereniginge
- 09-09 **"Zomer-aovendj in"**
Volksculturele aovendj mit korte wanjeling, meziek en vöördrachte.
In 't Patronaat te St.Joas, 19.30 oer.
- 22-09 **Film ""Sóngerkop" + docu "de Doord"**
Thema-filmaovendj in de Service Bioscoop, Pejjerstraot, 19.00 oer.
- 27-10 **Vriewilligers aovendj**
In Pejjerhaof mit meziek, 'n hepke en 'n drenkske vöör leje-vriewilligers.
- 17-11 **Laezing mit beeldje äöver "Bak-hoezer"**
Door Els Diederens oet Valkeberg mit meziek van Jos Meessen
Pejjerhaof, op woonsdig óm 20.00 oer.
- 12-12 **Adventsmiddig "Op waeg nao Kersmis"**
'ne Middig mit meziek, vöördrachte en get te aete.
in de Pejjerhaof, 15.00 oer..
- 17-12 **Dialekmès**
óm 19.00 oer in de Kèrk van Pej en daonao kóffie in de Pejjerhaof.

Kringbestuur

Vöörzitter:

Dhr. A. (Ton) van Wegberg
Oleanderstraat 2
6101 BX Echt
0475 48 21 49

Secretaris:

Mw. M. (Magna) Bedaf-Willems
Zwaluwstraat 4
6111 AV St.Joost
06 10 86 17 10
info@veldekekrinkech.nl

Penningmeester:

Dhr. Th. (Theo) Bougie
Thaalpad 129
6102 EH Pey
0475 41 11 69
IBAN: NL 65 RABO 0138 6319 64

Bestuursleje:

Dhr. P. (Piet) Aben
Schilbergerstraat 4
6102 AJ Pey
0475 48 21 46

Mw.A.(Anke) Heythuysen-Corstjens
Houtstraot 80
6102 BK Pey
06 30308494

Dhr. R.(Ruud) Roumen
Gasthuisstraat 74
6101 CM Echt
0475 78 51 14

Mw. Y. (Yvonne) Smeets
Wilhelminaplein 4a
6097 AT Heel
0475 57 20 06

Gebroek bie betalinge
s.v.p. het **lidmaatsjapsnummer**.
Det stuitj lènks baove eure naam.